

Գ Ր Ա Խ Օ Ս ՈՒ Թ Ի Ի Ն

ԿՈՒՍԿԵՍՆ, Յ. Ս.—ՄԵՐ ՃԱՆԱՆՁՆԻՐԸ, կօմեղիա երեք արար-
ւածով և երկու պատկերով ոտանաւորով գրւած Թիֆլիսի կեանքից,
192 երես. Թիֆլիս. Մոփսէս Վարդանեանի տպարան, չրատարակու-
թիւնն Ն. Ս. Կուսիկեանի, գինն է 1 ռուբլի:

Կօմեղիայի բաւանդակութիւնը
կարճ կերպով սա է: Վաթսուն տա-
րեկան Ասլինց Գրիգորը առաջ մեծ
հարստութեան տէր է եղել, իսկ ալժմ
թէն ունի մի քարվանսարաւ իբրեւ
սեպհականութիւն, բայց պարտքերի
մէջ է ընկել: Գրիգորը իւր Շաշինկա
անունով աղջկան մարդու դնալու
համար դիմում է մի ստոր խաբէրա-
լութեան, փեսացուին խոստանում է
թողնել իւր ամբողջ կարողութիւնը
միայն ալն պալմանով, որ փեսացուն
նախօրք հատուցանի նորա պարտքը:
Փեսացուն համաձայնում է, Գրիգորի
պարտքը վճարում է. բայց քարվան-
սարան չէ ստանում և վիրաւորւած
ալդ խաբէրալութիւնից՝ հրաժարում
է ամուսնանալուց: Շաշինկա չէ կա-
րողանում տանել հարւածը և խելա-
գարում է:

Պիեսը գրւած է Թիֆլիսի բար-
բառով. բացի ալն խօսակցութիւն-
ներից, որոնց կատարողները կրթւած
մարդիկ են: Պիեսին աւելացրած է

մի հետաքրքրական բառարան ալն
Թիֆլիսի բարբառով դործածւած բա-
ռերի, որոնք փոքր ի շատէ անհաս-
կանալի են:

Պիեսում գործողները խօսում են
ոտանաւորով, որ մի քանի տեղ բա-
ւական լաջողւած է և դուրեկան է,
իսկ առհասարակ, նամանաւանդ ալն
տեղերում, ուր գործ է ածւած զրա-
կան լեզու, անլաջող է:

Առաջին արարւածը և երկրորդի
սկիզբը, թէն զժաւարութեամբ, բայց
դեռ կարդացւում են, իսկ մի քանի
տողերը (գորօրինակ Մալեալի, Մա-
լալի, Սօլմանի և Նատօլի մի քանի
խօսակցութիւնները), որոնց մէջ ե-
րևում են դիտողութիւնների նշան-
ներ, հաճութիւն են պատճառում ըն-
թերցողին: Առաջին պատկերի վեր-
ջում զրւած կուպլետները կարող են
լաւ ասողի բերանից մի չալոնի տպա-
ւորութիւն գործել միջակ պահանջի
տէր հանդիսականների վերաջ:—Մնա-
ցածը կարգալու համար մեծ համբե-

րութիւն և հերոսութիւն է հարկաւոր: Ընթերցողը չը դիմէ գրւածքի պարզամտութեան վերաջ ծիծաղի թէ նորա անկարելի դործողները անհամ և անբնական խօսակցութիւնները վերալ:

Տիպերը չատի ուլ են, անգոյն և անորոշ: Փոքր ի չաաէ տիպի նմանութիւն ունեն մօցիւրու Մալալը և Գրիգորի հին բարեկամ Սօլօմանը: Ինչ բնութեան մարդիկ են ինքը Գրիգորը, նորա աղջիկ Շաշինկան և միւս գործողները—պիեսից չէ երևում:

Պիեսի բովանդակութիւնը բաւականաչափ պարզ չէ. մի քանի կէտեր մութ կերպով են դուրս բերւած: Ընթերցողը կամ հանդիսականը ինքը պէտք է անթաղի մի քանի եղելութիւններ, բնմից դուրս տեղի ունեցած մեքենալարութիւններ: Այն, ինչ որ կոչւում է չոգեբանական ներութիւն, բոլորովին բացակա է պիեսից: Բովանդակութիւնը կորցնում է իւր գրական հրապուրը, որովհետև նա տպաւորութիւն է դործում աւազակութեան, կոպիտ խաբեալութեան, աչքակապութեան պատկերի:

Պիեսի կարգալուց մնում է մի ախտասակ տպաւորութիւն. նորա լօրինելու մասին: Կարծես թէ նորա հեղինակը սորանից շատ տարիներ առաջ, երիտասարդ հասակում (երբ դեռ չաջողութիւն էին ունենում մի քանի, ալժմ անժամանակակից դարձած, ֆարսեր) գրել է մի թեթիւ պիես, որի մի քանի կտորները կարգացել է իւր մօտ բարեկամներին և նոցա հաւանութիւնը ստացել: Յետոյ մտածել է նորան աւելի լուրջ գրւածքի վերածել, ուրիշ պիեսների նմա-

նեցնել, մէջը հասարակական զաղափար մտցնել և ալն: Գրւածքը դուրս է եկել խառն, անորոշ և անչաջող, իսկ իբրև ծանր—անժամանակակից: Կօմիդեան խաղալու համար անլարմար է, որովհետև իւր մէջ քիչ գործողութիւններ է պարունակում. ալ կազմւած երկալն շարունակուող զրոյցներից: Նորա մի քանի մասերը, գործրինակ առաջին և երկրորդ արարւածներից եթէ կարդացեն, կարող են զւարճութիւն պատճառել լսողներին:

Իբրև օրինակ փոքր ի շատէ չաջողւած տեղերի բերեմ հետևելու: Աղքատ, շոր կարող Նատոն ցուրտ սենեակում, կարում է և ասում:

Տըկլուր ու բորիկ նըստած
Գիշեր ցերեկ դիմ կարէ,
Խան կուշտ փուրով, խան քաղցած
Բախտէ, թէ զահրումար է:
Կըտուր փէա էլ չ'ունենաս
Վուր մէ բուխարը վառես
Կըշտին կանդնես ու տաքնաս
Նուր մէկանց նըստես, կարես:
Մատներս մխկտում է
Յըրտեմէն չեմ կանացի
Ասղումը թիւ անցկացնի
Կօսիս օմքին բօթում է:
Վուր աստղի տակն իմ ծընկ
(երես 77):

Բալց աւելի շատ է անհամ և սլարգամիտ ոտանաւորների թիւը: Տեսէք, ինչ տեսակ է Գրիգորի փեսացու Վանեանցը ծանօթացնում մեզ իւր հետ երբ մալրս ինձ տուաւ կեանք:
Ինքն եղաւ անշուշ դիակ
Չը տեսալ մօրս գղւանք:
Խաղաակ նորա միակ
Տաճկուհի գուհիկ դաւակ

Մի խրճթի մէջ գիւղական
Սնուց զիս տարի հնգեակ
Հեռու տնից հալրական,
Որ գտնուամ էր Կարին
Կոչվում ալժամ էրգերում
Ինչ տաճիկը քաղաքն առին...
(եր. 59).

Չ'ունէի ես ազգական
Ծերունի կրօնական
Նշաւ խնամակալ մանկան
Նորա դաստիարակիչ... (եր. 60).

Հալրիկն երբ անցաւ Ստամբուլ
Ջիս որդեգիր առաքեաց
Լազարեանցի ձեմարան,
Որ արևելեան լեզուաց
Գիտութեան է շտեմարան
Ուր լետ երկար վեց ամաց
Անցաւ համալսարան.
Եւ լեա աւարտման ուսման
Գնացի արտասահման.

Ուր արուեստ և գիտութիւն
Նոյն խակ մեռեալ բնութեան
Տուել կեանք գեղեցկութիւն
Որպէս է շղթան Ալպեան
Որ մարդկալին հմտութեան
Թագն և պսակն է դափնեալ (եր. 62)

Աղուէսեանց փաստաբանը հիւ-
րասենեակից դուրս գալով, խօսում
է ինքն իրան հետեեալը.

Pardon, չանցանք քրէական
Ո՛չ, ոչ, ես որպէս փաստաբան
Կամիմ լինել նորա պաշտպան
Որպէս հմուտ իրաւագէտ
Քննել զորժը կէտ առ կէտ
Թէ չանցաւոր կամ թէ արդար
Միայն լինի մեծ говорить
И дѣло въ шляхѣ
La donna e mobile

Ահա Գրիգորի տանը ժողոված
(նշանդրէքի առիթով) երիտասարդ

հիւրերի մէջ տեղի ունեցած մի խօ-
սակցութեան կտորը.

Պէտքը... է-ն-չ.

Արդէն կան փալուռն աստղեր
Նալեցէք աջ ու ահեակ
Ունինք ազգալին դալեակ
Շաբաթաթերթ «Արձագանք»
Որ տալ սնունդ մեզ և կեանք:

Աղ-է-է-ն-չ.

Եւ ձեր անխոնջն «Մշակ»
Որ կրէ կարմիր դրօշակ...
«Նոր թարմ և բարձր մտքեր»
Եւ զանազան աղանդներ...
Այ՛ աստղեր են աստղեր:

Վ-ն-ն-ն-չ.

Խակ համեստն մեր «Մեղու»
Այրօն, լեզու, գիտութիւն...
Դռքա են ձեր փրկութիւն»:

Կ-ր-ոյ-ն-չ.

Ահա ձեզ և մխիթար
Ամենօրեալ մեր «Նոր-Դար»
Արդարութեան քարոզիչ
Ամեն սնոտեաց խզիչ, և ալլն
(երես 154—155).

Մի տեղ ոտանաւորի է ենթարկել
հեղինակը և օտար լեզուով խօսակ-
ցութիւնը.

Վ-ն-ն-ն-չ.

Օրիորդ խոնարհ ձառադ

Պէտքը... է-ն-չ.

Մենք միասին camarade

Աղ-է-է-ն-չ.

Счастью своему я радъ

Մ-յ-ի-ո.

Радуется не впопадъ

Աղ-է-է-ն-չ.

Красавица, почежъ знать

ԳՆԱՆՈՒՄ.

Ինչու էք տխուր գունատ

Մուշ.

Մայմուն, մածանծուր, խեցատ
(Երես 157).

Շաշինկան վանեանցին կորցնելուց չեսոյ խելքը կորցնում է և Ոֆելիայի նման երգում է. չեսոյ երևում է բեմ. «գլխաբաց, դերիպի կոճակները բաց, հերարձակ կամարի տակ երևում է Շաշինկան, ձեռքին՝ փունջ, գեղեցիկ թարմ ծաղիկներին» Դան-

դադ քաղերով հիւրասենեակին անցնում է դահլիճը...» (Երես 166):

Ոհ սարսափելի տխուր տեսարան.

Այս օրինակները բաւական են ք համարում:

Մեր ձանաչները թույլ և անհամ գրւածք է, զուրկ բեմական արժանաւորութիւնից, նա չէ հարըստացնում մեր գրականութիւնը և կը մնայ իբրև օրինակ մեծ և ապարդիւն աշխատանքի:

Ա. ՔԼ.

ՆՈՐ ՍՏԱՑԻԱԾ ԳՐՔԵՐ

1) ԱԼԻՇԱՆ, հ. ՂԵՒՈՆԴ, միաբան Մխիթարեան. — «ԱՅՐԱՐԱՏ» բնաշխարհ Հալաստանեաց, վենետիկ, Ս. Ղազար, տպ. Մխիթ. միաբանութեան, գինն է 40 ռուբլի:

2) ԼԷՕ. — «ԱՐՆԱԳԻՆ», Թիֆլիս, տպարան Տ. Նազարեանի. գինն է 7 կոպէկ: